

Adoijja Milwaukee Public Schools or Cómaj,

Fonnar bosór 2020-21 ór foóilar híssa kúb toratori fúrai giyói kintu celénc sára noi. Añárar háñse 2020 boot bada ólloi aileyó, Milwaukee Public Schools lólle becabici cúkuriya zanar asé.

Zettot añára Thanksgiving cúthki ar meérbanit bora comóir ikka foóñsir, añi móuka yíanore kimot buzi soóñijja, fonna foróiya, ar bondo ólloi cúndóijja cómajór híssa boni táki farat añi boot kúcide yían zahér góitto sair. Sóbse aleda ar mockilator thaim iínót, fura cóorór maze añárar eskuilla fuain ólore ócadaron kessú diyare fákka góitte jane forane ar no zirai has gorigiyéde hodún manúic óre añi dékki.

Bosór iba oddo giyóide fotti bosórot añárar eskuilla fuaindore sóbse mozbút himmot diyéde Milwaukee Eskul Dharikthar Bóudh (Milwaukee Board of School Directors), añárar elomdar, entezamgoróiya, ar estaf beggúnór torfóttu añi hóusela fáiyi Fuaindor lékaforar kaamiyabilla maabaf, dadadadi, sañsi-mami, sañsa-mou ar dekbalgoróiya ókkolór moto zara hochtó goijje itaráre añi cúkuriya zanair. Añára vólanthiar, dhunar, and páathnar ókkol zara klásrúmór bútoare ar báire añárar fuáñti mili dile-jane has goijje itaráre cúkuriya zanair. Aró boot ahám hóta óilde, añáre hámica ammuikka gorédde agami dinór líidhar ókkolóre deki añi kúci óir.

Kúcir fuáñti, cúthkir din iínót dhoila bodhoilla jozbati ham ókkol óiaibode yían añi zani. Muktalif sinta ókkol oñnor mejasór uore asór goritfare déi oñne nize ar oñnor acé-fáce aséde itarár kiyál rákibólla hówazar.

Oñnorar cúthkir plan aleda aleda yáto éi bosór ólla fisók, óitfarede Thanksgiving bondo ibat oñne, oñnor fémlí, adoijja manúic ól, ar bondu ókkol e ráhmot, dilmelá, ar cúndor yiadgari ókkol fáiba.

Oñnor musádar forba nai, oñnorar fottidinna sápóuth, hóusela, ar rahamoti hóta ókkol ólla cúkuriya zanair.

Dr. Keith P. Posley  
Eskul ór Mudir (Superintendent of Schools)

### **Thanksgiving óre Fottizone Mili Héfazot óla Gorazai!**

Múkzafani fíñdo

- KOVIDH-19 fóilare rúkibolla dui yáto bici forsosso óla múkzafani fíñdo.
- Oñnor nak ar gal óre múkzafanidi guriyore zaimór nise thaith gori diyo.
- Múkzafanir hañsa gin oñnor múk loi cúndorgori thaith-fíth ófan goijjo

Oinno zonóttu homashom sói fíth dure táikko.

- Monot rákibade biaramór alamot naide kessú maincor duara yo KOVIDH-19 yáto thándhi biaram fóilai fare.
- Biaram foribar hótora bici aséde manúic iínóttu oinno zonólloi háas gori só fíth (tokoriban fura hát duibar) dure táka zoruri.

Oñnor hát ókkol dúiyo.

- Egaza sabón ar fani loi homashom 20 sekén foijjonto oñnor hát dúiyo.
- Oñnor fúánti hát forickarór ciz ráikko ar hát dúi nofarile estemal goijjo.
- Homashom 60% córab aséde hát forickar gorar fani estemal goijjo.

## **Oinno Thanksgiving Hashormor Báfana**

### **Oñnor eksáte no takéde bondu ar fémlí loi onlain Thanksgiving hánar aiyozon gora**

- Onlain ót eksáte hána háibólloa úggwa thaim mokoror goijjo.
- Manúic ókkol loi hána tóiyarir niyom ókkol ciíyar gori raíndéde tarki kurá, torhari cázani, yáto oinno torhari ókkol daháiyó.

### **Oñnor górot aséde manúic ókkol loi TV saiyo ar geim kéliyo**

- Górottú tai Thanksgiving Day pereid, kéla, ar filím ókkol saiyo
- Kelibólloa mozar geim tuwaiyo.

## **Bazargora**

- Thanksgiving foroddin óttu cíthalar cúthkir dín sola foijjonto onlain óttu bazar goijjo.
- Cizbiz kinte dola uwa noforéde sárvis estemal goijjo, zindhílla rastar háñsattu loón.
- Kúla maçot boiccéde bazarót oinno zonóttu só fíth dure táki bazar goijjo.

## **Oinno Hashormo ókkol**

- Héfazotór sáte rosómi torhari ókkol tóiyar gori oinno zonloi dola noói fémlí ar dengoizza bangoizzar háñse foóñsaidiyo (mesálot uore, iínore barandhat rákizaiyo)
- Cúkuriya zanade amólót córik oón zindhílla cúkuriya gorar cíz ókkol lekiyore bondu ar fémlir háñse ciíyar gora

Risoós: [Thanksgiving kúci bana, biaram rúkar tonzim \(Celebrating Thanksgiving, Centers for Disease Control and Prevention\)](#)

Milwaukee Public Schools  
Office of the Superintendent  
5225 W. Vliet Street  
Milwaukee, WI 53208  
(414) 475-8001 • [mpsmke.com](http://mpsmke.com)

[mps.milwaukee.k12.wi.us](http://mps.milwaukee.k12.wi.us)